

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**RJEŠENJE**

**Po Prijavi namjere koncentracije privrednih subjekata ČEZ Bohunice a.s., Češka  
Republika i Jadrova a vyrad'ovacia spoločnosť a.s., Slovačka Republika**

**Sarajevo  
Juli, 2009. godine**

**Broj: 01-02-26-021-4-II/09**  
**Sarajevo, 21.07. 2009.godine**

Na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji ("Službeni glasnik BiH", br. 48/05 i 76/07), rješavajući po Prijavi namjere koncentracije privrednog subjekta ČEZ Bohunice a.s., Duhova 2/1444, Praha 4, 14053, Češka Republika i privrednog subjekta Jadrova a vyrad'ovacia spoločnosť, a.s., Tomašikova 22, Bratislava, Slovačka Republika, podnesenoj od strane advokata Seada Miljkovića, Fra Anđela Zvizdovića 1, 71000 Sarajevo, zaprimljenoj dana 05.06.2009. godine pod brojem 01-02-26-021-II/09, Konkurencijsko vijeće, na 91.(devedesetprvoj) sjednici održanoj dana 21.07.2009. godine, je donijelo

### **R J E Š E N J E**

1. Ocjenjuje se dopuštenom koncentracija koja ima uticaj na tržište proizvodnje električne energije u Bosni i Hercegovini, koja će nastati zajedničkim ulaganjem na dugoročnoj osnovi privrednog subjekta ČEZ Bohunice a.s., Duhova 2/1444, Praha 4, 14053, Češka Republika i privrednog subjekta Jadrova a vyrad'ovacia spoločnosť, a.s., Tomašikova 22, Bratislava, Slovačka Republika, osnivanjem novog privrednog subjekta koji će djelovati kao nezavisni privredni subjekt.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i biće objavljeno u " Službenom glasniku BiH", službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 05.06.2009. godine pod brojem: 01-02-26-021-II/09, zaprimilo Prijavu namjere koncentracije (u daljem tekstu: Prijava) privrednog subjekta ČEZ Bohunice a.s., Duhova 2/1444, Praha 4, 14053, Češka Republika (u daljem tekstu ČEZ Bohunice ili podnosilac Prijave) i privrednog subjekta Jadrova a vyrad'ovacia spoločnosť, a.s., Tomašikova 22, Bratislava, Slovačka Republika (u daljem tekstu: JAVYS ili podnosilac Prijave), podnesenu od strane ovlaštenog zastupnika advokata Seada Miljkovića, Fra Anđela Zvizdovića 1, 71000 Sarajevo, koja predstavlja zajedničko ulaganje na dugoročnoj osnovi privrednih subjekata (ČEZ Bohunice i JAVYS), osnivanjem privrednog subjekta koji će djelovati kao nezavisni privredni subjekt u smislu člana 12. stav (1) tačka c) Zakona o konkurenciji (u daljem tekstu: Zakon).

Konkurencijsko vijeće je dana 30.06.2009. godine pod brojem: 01-02-26-021-3-II/09 izdalo Potvrdu o prijemu kompletne i uredne Prijeve, u skladu sa članom 30. stav (3) Zakona.

Podnosilac Prijave je naveo da će, u smislu člana 30. stav (2) Zakona, podnijeti zahtjev za ocjenu koncentracije i nadležnim konkurencijskim tijelima u Ukrajini, Albaniji, Srbiji, Turskoj i Evropskoj komisiji.

Prijava namjere koncentracije je podnesena u zakonom propisanom roku, u skladu sa članom 16. stav (1) Zakona.

## **1. Učesnici koncentracije**

Učesnici predmetne koncentracije su privredni subjekt ČEZ Bohunice a.s., Duhova 2/1444, Praha 4, 14053 Češka Republika, i privredni subjekt Jadrova a vyrad'ovacia spoločnosť, a.s., Tomašikova 22, Bratislava, Slovačka Republika.

### **Privredni subjekt ČEZ Bohunice a.s.**

ČEZ Bohunice a.s. je društvo koje je osnovano u svrhu učešća u zajedničkom ulaganju. Društvo je osnovano 19. marta 2009. godine u skladu sa zakonima Češke Republike, sa sjedištem na adresi Duhova 2/1444, Praha 4, poštanski broj 14053, Češka Republika, sa matičnim brojem 28 86 17 36, registrovano u Registru privrednih društava koji se vodi u Općinskom sudu u Pragu, odjeljak B, uložak 15149.

Društvo je osnovano u svrhu realizacije projekta zajedničkog ulaganja sa društvom Jadrova a vyrad'ovacia spoločnosť, a.s.. ČEZ Bohunice ne obavlja nikakve poslovne aktivnosti u Bosni i Hercegovini.

ČEZ Bohunice je u 100% vlasništvu društva ČEZ, a.s. ( u daljem tekstu ČEZ) dioničkog društva osnovanog u skladu sa zakonima Češke Republike, sa sjedištem na adresi Duhova 2/1444, Praha 4, poštanski broj 14053, Češka republika, identifikacijski broj: 45 27 46 49, registrovano u Privrednom registru Općinskog suda u Pragu, odjeljak B, uložak 1581.

Osnovne privredne djelatnosti ČEZ-a su:

- Proizvodnja i distribucija električne energije
- Trgovina električnom energijom
- Proizvodnja i distribucija toplotne energije
- Razvoj električne opreme
- Revizija električnih postrojenja

Privredni subjekt ČEZ je aktivan uglavnom u Centralnoj i Jugoistočnoj Evropi a gotovo sve glavne aktivnosti Grupacije ČEZ locirane su u Republici Češkoj. U Bosni i Hercegovini ČEZ Bohunice nema povezanih društava ali Čez u čijem je vlasništvu ČEZ Bohunice ima povezana društva u Bosni i Hercegovini.

### **Povezana društva privrednog subjekta ČEZ u Bosni i Hercegovini**

Privredni subjekat ČEZ ima većinske udjele u dva privredna društva i to u Nove elektrane Republike Srpske d.o.o. za proizvodnju i prodaju električne energije Gacko (u daljem tekstu: NERS Gacko) i ČEZ Bosna i Hercegovina d.o.o. Sarajevo (u daljem tekstu: ČEZ BiH).

Privredni subjekt NERS Gacko, Industrijska zona bb, Gacko, Bosna i Hercegovina, registrovan je dana 22.12.2006. godine u Osnovnom sudu u Trebinju pod brojem rješenja 095-0-REG-06-000281.

Osnovan je zajedničkim ulaganjem od strane privrednog subjekta ČEZ (koji posjeduje 51% osnivačkog kapitala) i Elektroprivrede Republike Srpske a.d. Trebinje (sa udjelom od 49% osnivačkog kapitala). Planirano je da NERS Gacko započne sa aktivnostima u 2013. godini.

Privredni subjekt ČEZ BiH, Fra Andela Zvizdovića br.1, Sarajevo, Bosna i Hercegovina, registrovan je dana 21.03.2008. godine u Općinskom sudu u Sarajevu pod brojem 65-01-0142-08 i u 100% je vlasništvu privrednog subjekta ČEZ. Do sada nije obavljao poslovne aktivnosti.

## 2. Privredni subjekat Jadrova a vyrad'ovacia spoločnosť, a.s.

Jadrova a vyrad'ovacia spoločnosť, a.s., je dioničko društvo koje je osnovano 16.07.2005. godine u Bratislavi i postoji u skladu sa zakonima Slovačke Republike, sa sjedištem na adresi Tomašikova 22, 82102 Bratislava, Slovačka Republika, identifikacijski broj: 35 964 024, registrovano u Registru privrednih društava Okružnog suda u Bratislavi I, odjeljak SA, uložak br. 4649/B.

Društvo se u cijelosti nalazi u vlasništvu vlade Republike Slovačke koju predstavlja Ministarstvo privrede.

Osnovna privredna djelatnost društva je:

- Tretiranje i odlaganje radioaktivnog otpada i iskorištenog nuklearnog goriva
- Razgradnja nuklearnih postrojenja ( npr. nuklearnih generatora, skladišta i postrojenja za preradu radioaktivnog otpada i iskorištenog nuklearnog goriva)

Privredni subjekat ne obavlja nikakve poslovne aktivnosti na teritoriji Bosne i Hercegovine.

## 3. Obaveza prijave namjere koncentracije

Obaveza prijave namjere koncentracije privrednih subjekata u smislu odredbi člana 14. stav (1) Zakona, postoji ako ukupni godišnji prihod učesnika koncentracije ostvaren prodajom roba i/ili usluga na svjetskom tržištu iznosi preko 100.000.000,00 KM po završnom računu u godini koja je prethodila koncentraciji.

Ukupni godišnji prihodi privrednih subjekata učesnika predmetne koncentracije na dan 31. decembra 2008. godine iznose:

Tabela 1.

KM	ČEZ Bohunice	ČEZ	JAVYS
Svijet	-	(..)** <sup>1</sup>	(..)**
Bosna i Hercegovina	-	(..)**	-

Izvor: Podaci iz Prijave

Budući da su ispunili uslove, u smislu člana 14. stav (1) pod a) Zakona, u pogledu zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, privredni subjekti učesnici koncentracije su obavezni podnijeti Prijavu.

<sup>1</sup> (..)\*\* podaci predstavljaju poslovnu tajnu

#### **4. Pravni osnov i oblik predmetne koncentracije**

Pravni osnov predmetne koncentracije je Dioničarski Ugovor zaključen 29. maja 2009. godine i kojeg su potpisali ovlašteni predstavnici za ČEZ Bohunice – gđin. Vladimir Schmalz, za JAVYS – gđin. Jan Valko i gđin. Peter Čižnar, a u ime ČEZ-a, gđin. Martin Roman i gđin. Daniel Berneš.

Pravni oblik predmetne koncentracije predstavlja zajedničko ulaganje na dugoročnoj osnovi dva nezavisna privredna subjekta (ČEZ Bohunice i JAVYS), osnivanje novog Društva koje će djelovati kao nezavisan privredni subjekt u smislu člana 12. stav (1) tačka c) Zakona.

#### **5. Relevantno tržište predmetne koncentracije**

Relevantno tržište, u skladu sa članom 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda (usluga) koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijeli ili dio teritorije Bosne i Hercegovine, na kojoj su privredni subjekti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Relevantno tržište usluga/proizvoda predmetne koncentracije je tržište proizvodnje električne energije.

Relevantno tržište u geografskom smislu predmetne koncentracije je tržište Bosne i Hercegovine.

Prema navedenom, relevantno tržište predmetne koncentracije je tržište proizvodnje električne energije u Bosni i Hercegovini.

#### **6. Ocjena koncentracije**

Konkurencijsko vijeće je, nakon procjene i analize podataka i utvrđenih činjenica u smislu člana 17. Zakona, u postupku donošenja Rješenja, ocijenilo da provođenje koncentracije na relevantnom tržištu neće imati direktnog uticaja na tržište proizvodnje električne energije, niti će doći do promjene tržišnih učešća na relevantnom tržištu.

Prilikom ocjene predmetne koncentracije, Konkurencijsko vijeće je imalo u vidu i činjenicu da se u konkretnom slučaju radi o eksteritorijalnoj koncentraciji i da predmetna koncentracija može imati uticaj na tržištu Bosne i Hercegovine preko djelovanja povezanih privrednih subjekata u vlasništvu privrednog subjekta ČEZ.

Iz gore navedenih razloga, Konkurencijsko vijeće smatra da se predmetnom koncentracijom privrednih subjekata ne stvara i ne jača dominantan položaj na relevantnom tržištu, te je odlučio kao u dispozitivu ovog Rješenja.

Uzimajući u obzir sve iznesene činjenice i podatke koji su prethodili donošenju Rješenja, Konkurencijsko vijeće je ocijenilo koncentraciju dopuštenom, u skladu sa članom 18. stav (2) tačka a) Zakona, kao što je odlučeno u dispozitivu ovog Rješenja.

#### **7. Administrativna taksa**

Podnosilac Prijave na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem ("Službeni glasnik BiH", broj 30/06), je dužan platiti administrativnu taksu u ukupnom iznosu od 2.500,00 KM u korist Budžeta institucija Bosne i Hercegovine.

#### **8. Pouka o pravnom lijeku**

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od prijema, odnosno objavljivanja ovog Rješenja.

**Predsjednik**

**dr. Stjepo Pranjić**